

आकाशवाणी

- प्रधानमंत्री नरेंद्र मोदी होर अज्ज बड्डलै 11 बजे मन की बात कार्यक्रम राएं देश विदेश च रौहने आहले श्रोताएं कन्नै अपने विचार सांझे करडन।
- पच्छिम बंगाल च विधानसभा चुनांs दे दुए गेड़ लेई प्रचार अभियान होर तेज होई गेआ ऐ।
- मुल्खै च आनलाइन एलपीजी गैस सलेंडर बुक कराने च 99 प्रतिशत दा बाद्दाए जिसलै जे आनलाइन बुकिंग आहले सलेंडरें गी घर पजाने आहले मामलें च बी 94 प्रतिशत कोला मता बाद्दा।
- अमरीकी राष्ट्रपति डॉनल्ड ट्रम्प होरें गी व्हाइट हाउस च इक आयोजन दरान इक सुरक्षा घटना दे कारण उत्थुआं बाहर लेइयै सुरक्षित थाहरै पर पजाया गेआ।
- ते क्रिकेट च भारत-दक्खन अफ्रीका टी-20 श्रृंखला दे चौथे मैच च दीप्ति शर्मा नै मेजबान टीम दियां 5 विकेटां लेइयै भारत गी 14 रन कन्नै जित दोआई।



PM Mann ki Baat

प्रधानमंत्री नरेन्द्र मोदी होर अज्ज बड्डलै 11 बजे आकाशवाणी पर अपने श्मन की बात कार्यक्रम राएं देश-विदेश दे लोकें कन्नै अपने विचार सांझे करगंन। हर महीने दे खीरी ऐतवार गी प्रसारत होने आहले इस कार्यक्रम दी एह 133मीं किशत होग। कार्यक्रम दा प्रसारण आकाशवाणी ते दूरदर्शन दे समूलचे नैटवर्क- ए.आई.आर. न्यूज वेबसाईट ते न्यूज ऑन ए.आई.आर mobile app- डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होग।

हिंदी प्रसारण दे तुरत मगरा एहदा क्षेत्रीय भाषाएं च अनुवाद प्रसारित कीता जाहग।



Campaigning-WB

पच्छिम बंगाल असेंबली चुनांs 2026 दे दुए गेड़ लेई रियासत भरै च प्रचार तेज होई गेआ ऐ ते बक्ख-बक्ख सियासी पार्टिएं दे स्टार प्रचारक रैलियां रोड शो ते जनसभाएं राएं मतदाताएं गी लुभाने दी कोशश कराखदे न। बीजेपी दे सीनियर लीडर नरेंद्र मोदी होर अज्ज पार्टी मेदवारें दे समर्थन च केई रैलिएं गी संबोधित कडन। कल पूर्वी बर्दवान दे जमालपुर च इक रैली गी संबोधित करदे होई बीजेपी दे सीनियर लीडर अमित शाह होरें वायदा कीता जे जेकर उंदी पार्टी सत्ता च औंदी ऐ ते समान नागरिक संहिता ते सतमें वेतन आयोग गी लागू कीता जाहग। दुए पास्सै तृणमूल कांग्रेस दे सीनियर लीडर ममता बनर्जी ते अभिषेक बनर्जी होरें पार्टी दी कनूनी लड़ाई गी उजागर कीता जेहदे च मतदाता सूचिएं च 32 लक्ख नाएं गी परतिये शामिल कीता गेआ ऐ ते लोकें गी यकीन दोआया जे एहदे शा बाहर कीते जाने आहले मतदाताएं बारै चिंता दी कोई लोड़ नेई ऐ।



Govt. LPG

मुख्यै च पेट्रोलियम उत्पादें ते एलपीजी दी सप्लाई दस्तयाबी यकीनी बनाने लेई सरकारें केई गेई पुट्टियां न। इस बारै गल्ल करदे होई पेट्रोल ते कुदरती गैस सरबन्धी मंत्रालय नै जानकारी दिती ऐ कि घरेलू इस्तेमाल लेई एलपीजी गैस दी सप्लाई गी मती तरजीह दिती जारदी ऐ ते कुदरै दा बी एहदे त्रोड़े जा उपलब्ध नेई होने दी कोई खबर नेई ऐ ते छड़ा तैह नियमें मूजब ऑनलाइन बुकिंग कराइयै लोक एलपीजी सिलेंडर हासल करा करदे न।

एहदे चलदे आनलाइन बुकिंग कराइयै सलेंडर घर पजाने दे मामले च 94 इशारिया 5 प्रतिशत दा बाददा होआ ऐ जिसले कि आनलाइन बुकिंग कराने दे मामले च करीब 99 प्रतिशत दा बाददा दज्ज कीता गेआ ऐ। मार्च 2026 कोला लेइयै हुनै तगर 5 लक्ख 36 जहार पीएनजी कनेक्शन गैसीफाई कीते गे न यानि एलपीजी सिलेंडर दी थाहर सिद्धे गेस पाइपलाइन राएं कुदरती गैस घरें तगर पजाइयै सिलेंडर दे इंज़ट गी खत्म कीता गेआ ऐ।



Govt. West Asia

सरकार नै मुल्खे च पेट्रोलियम उत्पादें ते एलपीजी दी निर्विघ्न सप्लाई ते दस्तयाबी यकीनी बनाने लेई केई उपा कीते न। पेट्रोलियम ते कुदरती गैस मंत्रालय जित्थे पेट्रोलियम उत्पादें दी दस्तयाबी यकीनी बनाने बक्खी ध्यान देआरदा ऐ उत्थै गै विदेश मंत्रालय ते होर सरबन्धित विभाग उत्थे दे ताजा घटनाक्रम पर नेइमी तक्क रखा करदे न। विदेश मंत्रालय मूजब प्रधानमंत्री नरेंद्र मोदी होर आपूं बी उत्थू दे हालात पर नेइमी तक्क रखा करदे न।



Trump-Attack

अमरीका दे वाशिंगटन च शनिवारें रातीं जेड़ी जे भारत साब्वै ऐतवार दी सवेर हीए होटल हिल्टन च आयोजित व्हाइट हाउस दे संवाददाताएं दी एसोसिएशन आसेआ आयोजित धाम दरान इक बेपंछानू आदमी नै गोलीबारी कीती। इस कार्यक्रम च राष्ट्रपति ट्रम्प ते उंदी घरै आहली मेलनिया ट्रम्प ते उपराष्ट्रपति जेडी वेंस बी मजूद हे। जानकारी मूजब त्रों गी तुरत उत्थुआं बाहर कडिउयै सुरक्षित थाहरै पर पुजाई दिता गेआ।

इक सोशल मीडिया पोस्ट च राष्ट्रपति ट्रम्प होरें आखेआ कि उंदे समेत पैहली महिलाए उपराष्ट्रपति ते कैबिनेट दे सब्वै मिम्बर सुरक्षित न।



PM-Delegation

प्रधानमंत्री नरेंद्र मोदी होंरें भारत दे सब्बनैं शा मन्ने-परमन्ने दे शिक्षा संस्थानें शा इक री राम कालेज ऑफ कामर्स दे गवर्निंग बाडी दे इक प्रतिनिधिमंडल कन्नै मलाटी कीती। कल रातीं सोशल मीडिया पर इक पोस्ट च प्रधानमंत्री होंरें संस्थान गी शुभकामनां दितियां कीजे इस बरे इस संस्थान दी शताब्दी मनाई जारदी ऐ। इस मौके पर इक स्मारक डाक टिकट बी जारी कीती गई।



Niti-aayog Reconstitute

मन्ने-परमन्ने दे अर्थशास्त्री अशोक कुमार लाहिरी होंरें गी नीति आयोग दा उपाध्यक्ष नियुक्त कीता गेआ ऐ। ओह मजूदा उपाध्यक्ष सुमन के. बेरी हुंदी थाहर लैंगन। लाहिरी हुंदे कन्नोकन्नी सरकारें नीति आयोग दे फुल टाइम मिम्बर दे तौरा पर राजीव गोलाए के.वी राजूए गोबरधन दासए एम. श्रीनिवास ते अभय करदीकर होंरें गी नियुक्त कीता ऐ। लाहिरी होर इक तजुर्बेकार नीति निर्माता न ते एहदे शा पैहले ओह भारत दे 12में मुख् आर्थिक सलाहकार बी रेही चुके दे न।

एहदे अलावा ओह 15में माली आयोग दे मिम्बर ते विश्व बैंक ते अंतरराष्ट्री मुद्रा कोष ज्नेए अंतरराष्ट्री संस्थानें च केई बड्डे ओहदें पर बी अपनियां सेवां देई चुके दे न।



Women Cricket

जोहानिसबर्ग च चौथे महिला टी-20 क्रिकेट मैच च भारत नै दक्खन अफ्रकी गी 14एं रन्ने कन्नै हराई दिता। भारत नै पैहले बल्लेबाजी करदे होई निर्धारित 20एं ओवरें च 5एं विकेटें पर 185 रन बनाए।

एहदे जवाब च दक्खन अफ्रीका दी टीम 9 विकेटें पर 171 रन गै बनाई सकी। भारत आसेआ दीप्ति शर्मा नै 5 विकेटां लैतियां ते 36 रन्ने दी नाबाद पारी बी खेड़्दी। दीप्ति शर्मा गी हरफनमौला प्रदर्शन करने लेई प्लेयर ऑफ द मैच चुनेआ गेआ।



IPL-Cricket

आई.पी.एल क्रिकेट च कल रातीं जयपुर दे सवाई मानसिंह स्टेडियम च सनराइजर्स हैदराबाद नै राजस्थान रायल्स गी 5एं विकेटें कन्नै हराई दिता। रायल्स आसेआ दिते गेदे 229 रन दे लक्ष्य दा पिच्छा करदे होइ सनराइजर्स नै छड़ा 18 अशारिया 3 ओवरें च गै मकाम हासल करी लैता। वैभव सूर्यवंशी दी 37एं गेंदें च 103 रन्ने दी शानदार पारी दी बदौलत रायल्स नै पैहले बल्लेबाजी करदे होई 20एं ओवरें च 6 विकेटें पर 228 रन बनाए।



Badminton

बैडमिंटन च भाती महिला टीम नै कल डेनमार्क दे हासैस च होए दे उबर कप फाइनल दे ग्रुप-ए दे अपने दुए मुकाबले च यूक्रेन गी 3-0 कन्नै हराई दिता ऐ। उनें मेजबान डेनमार्क खिलाफ शुरूआती मैच च हार दे परेंत वापसी कीती।

